

欽定大清會典圖

欽定大清會典圖卷二百二

輿地六十四

沅州府圖

永州府圖


永順府圖


沅

州

府

圖





沅州府在省治西南一千一百三十五里至

京師三千九百八十里。領縣三。治芷江。東南黔陽。

西北麻陽。沅水自靖州會同縣入界。經黔陽縣。

西南北流。羅巖江即桐木江。自晃州廳東南流。

注之。又東渠水。瀑木溪俱自會同縣北流注之。

又東受瀟水。水自晃州廳入界。經府治西東流。

柳林溪。蔣家溪。東南流注之。粟米溪合鰲山水。

亦東南流注之。又東南左納芷溪及漁溪。又經

府治南。楊溪二源俱出府治西南。合東流。又合

小溪諸水。東北流注之。又東右納巽宮溪。泥溪。

左納五郎溪又經灣市司折南流豐溪合板門  
溪錦雞溪林開溪西南流注之坪溪東北流注  
之。又南經黔陽縣東北左納瀘會溪又折西南  
流右納石江溪又經縣西入沅水沅水又經縣  
治南東南流錯入會同縣界復經縣東東北流  
右納灘溪俱溪又東北毛陂溪出寶慶府武岡  
州北流注之。又東北右納稔禾溪大坪溪毡帽  
山水又北蒲溪水自辰州府辰谿縣南流折西  
注之。又北入辰谿縣界辰水一名麻陽河自貴  
州銅仁府入界經麻陽縣西東流密栗溪亦自


施溪司東南流注之。又東左納銅信溪。右納石橋溪。經縣治南。又東左納蓬溪。右納隴田溪。又東北樂濠溪出貴州銅仁府經鳳凰廳來合車頭溪。諸水東南流注之。又經高村司東流。右納麻伊溪。又東北太平溪自辰谿縣南流注之。又東北入辰谿縣界。府東及東北界辰州府。西界晃州廳。南界靖州。北界鳳凰廳。東南界寶慶府。西南界貴州鎮遠府。西北界貴州銅仁府及思州府。



永州府圖一

中

A grid of 10 columns and 10 rows. The leftmost column is filled with a dense, dark, textured pattern. The rest of the grid is empty.



永州府圖二

南


[illegible]

永州府在省治西南六百七十里至

京師四千二百五十五里。領州一縣七。治零陵。東南新田甯遠。西南道州江華永明。東北祁陽西。北東安。湘水自廣西桂林府全州入界。經東安縣東南。東北流。清溪江出東安縣西北舜峯金字嶺下。楊江源玉陞源諸處合。東溪夏豐江龍溪甯江東南流注之。又東至石期市。石期江一名東鄉江。出零陵縣西南黃花嶺。合石岩頭水。北流注之。又東經治西北會瀟水。水古名營水。亦稱泥江。出甯遠縣南九疑山三分石。北流經

道州東北。澤水即古冷水。仙政水。潯水俱出甯遠縣南。合西北流。又合都溪水西流注之。又東北至菁口市會沱水。水上源為前中後三河俱出桂陽州藍山縣。南流經江華縣東南錦田所合。西流左納宜遷水。又西左納上霧江。右納靈江水。麻江水。又西北。貝江水。練江水並北流注之。萌諸水亦北流注之。又經江華縣東。曲折北流為沱水。又經道州南。掩水出永明縣大掩峯南。流合瀏水。古澤水。警水東流。又合瀑帶水。角馬河海會水西北流來會。又北經道州治南。營





道水又曰小營水。出道州西南營山。東北流注之。又東北至宜江口。宜江水出道州西北瀟山合上沅水下沅水。坦溪東流注之。又東北至菁口市。與瀟水正源合。瀟水又北流經府治南。左納賢水。右納大河江。復左納愚溪。又經府治西北入湘水。湘水又折北流。經冷水灘東北。蘆洪江亦名應水。出東安縣東北八十四渡山。經蘆洪司合龍合水。西江水南江水東南流注之。又東北經祁陽縣南。祁水古名沱口。水一名小東江。出祁陽縣西北羅漢寺山。合煙江水白池河。

水騰雲嶺水南流注之。又曲折東南流。白水又名小三江。自桂陽州來。經甯遠縣東北。合确石洞水。楊柳溪北流。折西。又合黃溪水注之。又曲折東北。流經歸陽司。清江水即古餘溪。出祁陽縣東北。合白河梅溪。及一小水西南流注之。又東北入衡州府常甯縣界。春水一名茭源河。出新田縣西北。舂陵山東南流。經縣西。又南左納東河。右納清水洞水。又東流入桂陽州界。沐水出永明縣西南。流會邀水。又經周棠司西南。左納扶靈水。右納膏澤水。又西南入廣西平樂府。

恭城縣界。九疑山在甯遠縣南。府東界桂陽州。  
西界廣西桂林府。南界廣西平樂府。北及西北  
界寶慶府。東南界廣東連州。連山廳西南界廣  
西平樂府。東北界衡州府。

永順府圖





永順府在省治西北一千八十里。至

京師四千八十里。領縣四。治永順西南保靖東北桑植西北龍山。澧水三源。中源出桑植縣西北栗山東南流。烏鴉河出龍山縣東北東流注之。又東南經新城司市為綠水河。至兩河口。南源出永順縣北萬笏山。經十萬坪北流。又東北為上洞河。合岩板溪西北流來會。又東南北源出桑植縣西北七眼泉。合三台山水。五道水。白龍泉。南流來會。又東南泥湖塔市水出永順縣東北北流注之。又經縣治西。長酉水一名東門河。

出桑植縣北橙子界南流合前溶溪諸水西流注之。又東南錯入澧州永定縣界。復合先者河緣永順縣東界東南流入永定縣界。酉水一曰酉溪。今稱北河亦名更始水。三源北源自湖北施南府來鳳縣緣界西南流。經龍山縣西。界利河出縣北紅旗坡合苦竹河三十六灣。河經縣南西流注之。又西南仍入其縣界至四川酉陽州中源亦自其州合中溪來。會復經龍山縣南保靖縣西北右納一小水。經里耶司比耳場市。又經龍頭司。洗車河水出龍山縣南水沙坪合。



花橋水瑪瑙湖賈家砦河諸水南流注之。又東南流經保靖縣西北江口。南源出貴州銅仁府平頭司。自永綏廳來經保靖縣西南緣界東北流。合寶洞河白雲山水。宗溪會溪曲折東北流來會。又東經保靖縣治北。曲折東流左納蒙沖溪。逝溪。又東南白溪水三源俱出縣南呂洞山合楓香坡水及永綏廳來之水。田寨水東北流注之。又經永順縣南受喇集溪。溪出龍山縣境。南流經汝池市為汝池河。上河溪出桑植縣西北西南流來會。又東南經府治南合風洞諸小

水又南經喇集溪塘牛路河合靈溪榔溪壩溪諸水西南流注之又南入酉水酉水又東南右納羅伊溪水左納施溶溪水又東南入辰州府沅陵縣界繩子溪出桑植縣東北入澧州慈利縣界明溪出府治東南入辰州府沅陵縣界小酉溪出保靖縣東南入辰州府瀘溪縣界府東及東北界澧州西界四川酉陽州南及東南界辰州府北界湖北宜昌府西南界永綏乾州二廳西北界湖北施南府

欽定大清會典圖卷二百三

輿地六十五

乾州廳圖

鳳凰廳圖

永綏廳圖

晃州廳圖

南洲廳圖

乾

州

廳

圖

[illegible]

[illegible]

乾州廳在省治西南九百六十五里至

京師三千九百里。武水一曰武溪。即瀘溪。出廳西武山。課馬洞。合貴魚陂水。勞神山水。東南流南岸。與鳳凰廳分界。萬溶江自廳東北流注之。又經治南。東流受鎮溪水。水即永綏廳之高岩河。緣廳界東北流。折東入界。岩門砦水自永綏廳來南流注之。又東左納東鴉溪。又折南經鎮溪鋪。南入武水。武水又東南左納司馬溪。鴉枝砦水又東南入辰州府瀘溪縣界。廳東及東南界辰州府。北至西界永綏廳。南及西南界鳳凰廳。

東北界永順府。



鳳

凰

廳

圖

1							
1911 121900							
1912 121900							
1913 121900							
1914 121900							

							大正十一年 三月三日 東京
							大正十一年 三月三日 東京
							大正十一年 三月三日 東京


鳳凰廳在省治西南一千五十里。至

京師三千九百三十里。沱江自貴州銅仁府銅仁縣入界。經治西北。東流烏巢江出廳北。小天星山合小坪水。龍潭河南流注之。又經治北。東南流。又折東北。九牙溪冷水溪合北流注之。又東北入辰州府瀘溪縣界。武水自乾州廳來。緣廳北界東南流。受萬溶江入乾州廳界。萬溶江出廳西北。大星砦東南流。又折東北。右納西門江。左納算子溪。折西北。又緣界東北流。左納灣溪水。又東北入武水。高巖溪自永綏廳入界。東南

流經治西北折東流入乾州永綏二廳界樂濠  
溪出廳治西南古牛坳東流經樂濠市左納白  
泥江又東南入沅州府麻陽縣界廳東及東北  
界辰州府西及西南界貴州銅仁府南及東南  
界沅州府北界乾州廳西北界永綏廳

永綏廳圖

[illegible]







永綏廳在省治西南一千一百五十九里至

京師三千九百五十里。酉水南源自貴州松桃廳  
緣界北流。又東北經廳治西南西為四川酉陽  
州界。又東北西為永順府保靖縣界。右納梭落  
湖。又經治西右納濫塘水。經治北又東臘耳堡  
河三源俱出治西南。一由小排吾砦。一由果盒  
嶺。一由磯溶合。東北流注之。又東北右納躍馬  
巖水。又東北入永順府保靖縣界。高巖河即乾  
州廳之鎮溪水。出廳西南臘耳山。犀牛潭南流  
折。東右岸與鳳凰廳分界。東流。又東北右岸與

乾州廳分界六魚寨水南流注之。又經高岩寨  
朋湖梅花井諸水合東南流注之。又東北入乾  
州廳界。岩門砦水出廳南境南流亦入乾州廳  
界。廳東至西北俱界永順府南界。乾州廳西南  
界鳳凰廳及貴州松桃廳四川酉陽州。

晃  
州  
廳  
圖





晃州廳在省治西南一千二百四十五里。至

京師四千四百九十八里。濩水一作潞水。自貴州

思州府玉屏縣入界。經廳西南挂榜灘東北流。

又經龍溪市左納龍溪水。又東經治南。又東木

多溪南流注之。又東至江口。平溪二源俱出廳

南。合東北流注之。又東入沅州府芷江縣界。中

和溪即羅巖江。出廳東南油麻坡。合小竈溪北

流。又折東南流。亦入芷江縣界。廳東及東北界

沅州府。北至西南界貴州思州府。南及東南界

貴州鎮遠府。

南  
洲  
廳  
圖

[illegible]



[illegible]

南洲廳在省治西北五百四十里。至

京師三千三百一十里。洞庭湖在廳東境。澧水自澧州安鄉縣合長河分左右二支。其左支東流合窰頭廟河經白板口入西南界。合後江南流西通右支。東合後江支津。又南再通右支。又經長形洲匯於倒峽湖。其右支自白板口南流復分二支。東合左支匯於湖。西出柳林口通沅水亦匯於湖。後江自澧州安鄉縣三汊口入界。經治西北東出支津南流經陳家渡。至清界復分二支。一支西南流經涂家新港合正渠。一支南

流再通游橋水折西至大麻濠口合澧水支津。其正渠西南流至涂家新港東合東支西會澧水支津。游橋水亦即後江。自澧州安鄉縣觀音窖分支津。經岳州府華容縣南流入界。遶浪泊淤湖又遶人和垸合南流至荷花嘴市西出支津。通後江。其正渠南流東出支津。通涌水西支。復遶同康西南流。西通後江東支又南經下流港合涌水西支。匯於湖。涌水自岳州府華容縣入界。經治北東南流。經治東分二支。一支緣界東南流。經明山北東出鋸子口。匯於湖。一支南

流復分二支。其西支為神童港。南流復分一東合東支。一西合游橋水支。津至下流港再合游橋水支。津經三星湖。西南流匯於湖。其東支南流復分。一東南流匯於大通湖。一合神童港分支。西南繞下脫洲。出麻濠口。匯於湖。廳北至東南界岳州府。西及西北界澧州。南及西南界常德府。

欽定大清會典圖卷二百四

輿地六十六

澧州圖

桂陽州圖


靖州圖


郴州圖

澧

州

圖







澧州在省治西北六百五里至

京師三千七十里。領縣五。東南安鄉。西南安福。石門。慈利。永定。澧水自永順府桑植縣緣界東南流經永定縣西北。其右岸與永順府永順縣界。左納溫塘河。又東流經縣西南。右納武溪。左納大庸溪及無事溪。又經縣治南。右納仙人溪及楊家溪。復左納社溪。又東北經慈利縣西南。右納褚溪。即龍窩溪。又東北經縣治北。受澧水。水出湖北鶴峯州七眼泉東南流入界。經慈利縣西北。撒珠溪自永順府桑植縣來東。

北流注之。梧子溪西流注之。魯陽溪亦自桑植縣來。漂溪出永定縣北俱東北流注之。又經九谿司東流。仁石溪及張馬溪合輸羸溪和豹溪俱東南流注之。又東南入澧水。澧水又東右納零溪水。又北左納芭茅溪。又北經石門縣西南三江口。漂水出石門縣西北龍門洞東南流合白溪河。黃連水清貫斗塘水。黃虎港深溪河。苦竹溪溫水九渡水東南流注之。折東經縣南。又東北左納棠梨溪。即雙溪。右納龍溪。復左納朝陽溪水。又經安福縣北左納合溪。右納惡蛇溪。

又東北經州治南支津東北出合澹水。又東南經道口受道水。水二源俱出慈利縣五雷山東北流經石門縣東南合東流。經安福縣西南左納錦溪及白洋溪。又東北經縣南右納楊明溪及畚溪水。又北折東北經道口注澧水。澧水又東過津市南支津東南出。其正渠東北經六冢口北受涔水。水出州西北龍洞峪名龍洞水。東南流至兩河口會襲封隘水。東南流經安福縣北。又曲折東北流南受澹水支津。經州治北。又東陳胡壩水合石龜山水東南流注之。又東南

至汾河鋪西納澹水支津東納東港水又南澹  
水出石門縣仙鳳山霞氣洞東流經石門縣北  
又經州北合澧水支津又東流來會又南至六  
冢口合澧水澧水又東南東受觀音港水又西  
南合支津又東南南通牛頭湖北通皇田湖經  
匯口市支津西南出合七里湖水又東南至安  
鄉縣西羌口復分二支一西南由麻河口入常  
德府武陵縣界合漸水一東流北通大鯨湖又  
經書臺會正渠其正渠自匯口市受後小江水  
東流南通大鯨湖北通郎天湖又分支津東至


黃戊嘴合長河。其正渠南流經大鯨湖東南鄉縣治西。至舊臺合羌口支津。又東流南通大溶湖水。又東至新問口合長河。又南分二支俱入南洲廳界。後小江自荊州府公安縣入界。經治東北南流西通淘金諸湖。東通新渡口水。又西南支津西出復分二支。一西北流為東港合湓水。一東南流為觀音港。南通曹田湖西注澧水。其正渠東南流新渡口水。自公安縣來南流折西注之。又西南經大湖口卡東分支津合長河。正渠又南西通皇田湖。又南至匯口市注澧水。


長河亦自公安縣虎渡河分流入界。經安鄉縣北。分流復合。又南合後小江支津。又東南受窰頭廟河。又南經黃戍嘴合澧水支津。又南經縣東南會澧水。窰頭廟河自荊州府石首縣藕池口分流入界。經安鄉縣東北支津東南出。分流復合。復分二支。西合長河。東合後江。其正渠西南流。經洲百嘴合長河。後江一名景港。亦自藕池口分流入界。經安鄉縣東北南流。經新渡口。分支津東北出。為觀音窰水。入岳州府華容縣界。正渠南流。西受窰頭廟水。又南分流入南洲。

廳界毛家河白洋河芭茅洲水並出慈利縣西  
南入常德府桃源縣界松梁山一名天門山在  
永定縣南州東至西北界湖北荊州府西界永  
順府南界常德府東南界岳州府西南界辰州  
府

桂陽州圖







桂陽州在省治西南六百三十里至

京師四千二百十五里。領縣三。西南嘉禾藍山臨武。茭源河即春水。自永州府新田縣入界。經治西東流受淮水。水出州西北扶倉山。合坦家坳水。坦頭水。板溪。鼠峽水。南流注春水。春水又東受鍾水。水一名舜源水。出藍山縣東南南風坳。合舜水。歸水。西北流。經縣東蒙溪水。東南流注之。毛俊水亦出縣東南。合小牛皮河。華荆津水。及一小水。東北流注之。又東北左納廖溪。藍溪。經嘉禾縣北。左納含溪。石燕溪。又東北注春水。


春水又東泮溪芹溪俱出臨武縣北。合北流注之。折北流右納楓江水。又東左納牛矢塘水。右納舍人渡水。經治北。又北流右納小田市水。左納野鹿溪水。又東北入衡州府常甯縣界。漆水出臨武縣南分水坳。北流合貝溪水。又北秀溪合九澤水。北流注之。又經臨武縣東北。武水四源俱出臨武縣西南。合東流經縣南。又合石江水來注之。又東流經水東市赤土水南流注之。又東入郴州宜章縣界。湖屯水出州東南仰天湖。西北流麻淪江自郴州北流來會。又西北泉


田水東北流注之。折東北流。蓮蓬溪西北流注之。又東北入郴州界。上白水出州西北。合下白水入衡州府甯遠縣界。前河西河後河俱出藍山縣南。入永州府江華縣界。州東北至東南界郴州。西北至西南界永州府。南界廣東連州。北界衡州府。

靖

州

圖







靖州在省治西南一千六十里至

京師四千六百四十五里。領縣三。南通道。東南綏甯。東北會同。沅水自貴州鎮遠府天柱縣入界。經會同縣西北。錯入沅州府黔陽縣界。復經會同縣東北。東流右納周家溪水。又經洪江司。受巫水。水即洪江。自寶慶府城步縣西流入界。經綏甯縣東。錯入城步縣界。復北流。經綏甯縣東北。右納平溪及雙溪。左納楓鄉水。又西北至界溪口。蒔竹水出縣東南老龍潭。西北流。經縣西合藍家水北流注之。又經會同縣東南左納太

平江。又西北茱莉溪出州治東北金紫嶺合長  
溪水東北流注之。又北右納麻塘溪水及永安  
橋水左納若水。又北注沅水。沅水又東入沅州  
府黔陽縣界。渠水即古敘水出通道縣佛子隘  
合倉門隘水北流播陽河合恭水曲折東流注  
之。又北四鄉河水亦自開泰縣來東南流注之。  
又經縣治西南臨川河自城步縣來西流經綏  
甯縣南合雙江水。駕馬溪大塘口水西北流注  
之。又東經縣治北左納桿子溪水。折東南右納  
三景橋水。又北經州治南橫江溪合文溪水東

流注之。又北右納老鴉溪。左納湫溪水。復右納提腳溪。及高金溪。又經會同縣西。右納巖溪。又西北流。平川水出。會同縣東北金龍山合灑口溪。經縣北西南流注之。又西北吉朗溪二源並出。州西南合東北流注之。又西北入沅州府黔陽縣界。椽木溪出。會同縣北亦入黔陽縣界。蓼溪一名高沙溪。一名武陽水。即蒔竹水出。綏甯縣東北雞籠山東北流。右納榛樹水。又東北岳溪合大背水來會。又東入寶慶府武岡州界。嶽溪自武岡州錯經綏甯縣東北界。州東及東北


界寶慶府。西及西南界貴州黎平府。南界廣西  
柳州府。北界沅州府。東南界廣西桂林府。西北  
界貴州鎮遠府。

郴

州

圖





郴州在省治南六百八十里。至

京師四千二百七十五里。領縣五。東北永興興甯。  
桂東。東南桂陽。南宜章。耒水出桂陽縣南。耒山。  
西流。屋嶺水。淶水。俱出縣南。合北流注之。又北。  
壽江三源俱出縣東北。合西流注之。又西北經。  
興甯縣東南。受漚江。江一名北水。一名澄江。一。  
名瀘渡江。二源並出桂東縣東。合南流經縣東。  
南。右合桂水。左合龍湫水。復右合雙坑水。左合。  
溪源水。又西南經桂陽縣東北。西流。右合大江。  
水及淇江水。折西北流。會耒水。耒水又西。文明。



村水出桂陽縣西南經文明司合數小水北流注之。又經渡頭司南左納青草水。又經縣南資興江一名乙陂江。出桂東縣西八面山東流合煙竹坪水平石水。新江水。困水。西南流注之。又西北經州治東北左納鴉溪及梓塘江。又西北柳江出州東南黃岑山。合沙江琵琶江諸水北流。經治東北來注之。折東北流。經程江口。程江水四源俱出興甯縣西北永興縣東南合西流注之。又北乾溪合數小水西南流注之。又西經永興縣治南右納靈江水。又西流湖屯水自桂

陽州來東北流經治西北又經永興縣西南合  
白豹水高亭水真武溪高滄溪水東北流注之  
又北祝壽溪合八石水西南流注之又東北入  
衡州府耒陽縣界永樂江一曰小江出興甯縣  
三岡嶺西北流合潦溪清溪東北流入衡州府  
安仁縣界春江出桂東縣西北經興甯縣東北  
入衡州府邛縣界麻倫江出州西南北流入桂  
陽州界漆水自桂陽州臨武縣入界經宜章縣  
西南左合洪水江又東南入廣東韶州府乳源  
縣界屋嶺水出桂陽縣南合藍田水南入廣東

韶州府仁化縣界。益將河出桂陽縣東。經益將  
司東入江西南安府崇義縣界。州東界江西南  
安府。西北至西南界桂陽州。南界廣東連州。北  
界衡州府。東南界廣東韶州府。東北界江西吉  
安府。